

խում գտնուելով — ուրեմն աւելի մօտիկ Կասպից ծովին եւ Ռուսաստանին — աւելի հնարաւորութիւններ ունէր ուսաց կառավարութեան հետ յարաբերութիւններ պահպանելու, քան Էջմիածինը :

Երկրորդ՝ Ղարաբաղում եւ Ղարաբաղի վրայ պարսկական ու առհասարակ մահմեդական ճնշումները համեմատաբար աւելի թույլ էին, քան Հայաստանի միւս մասերում, հետեւաբար նաեւ Էջմիածնում :

Երրորդ՝ Ղարաբաղում հայութիւնն աւելի հոծ էր, միապաղպղ եւ աղատասէր. մելիքները երկար ժամանակ պահպանել էին իրենց կիսանկախ դոյութիւնը եւ շարունակ ձգտում էին քաղաքական անկախութեան :

Չորրորդ՝ Էջմիածնի կաթողիկոսները գտնուում էին կրկնակի ճնշման տակ — պարսից Շահերի եւ Երեւանի սարդարների: Իսկ այս վերջինները Էջմիածնի նկատմամբ շատ աւելի դաժան էին, քան կենդրոնական կառավարութիւնը: Նրանք բազէի աջքերով հետեւում էին կաթողիկոսների բոլոր քայլերին եւ խստորէն պատժում էին նրանց, եթէ որեւէ կասկածելի կամ անհաճոյ բան էին նկատում :

Մէկ նմոյշ սարդարների դաժանութեան. — 1819 թուի Նովրուզին — ուրեմն դեռ 19-րդ դարում — Եփրեմ կաթողիկոսը Էջմիածնից գնում է Երեւան՝ սարդարի Նոր Տարին շնորհաւորելու, բայց կրծքին միամտաբար ունենալով ուսական Ս. Աննայի շքանշանը իր ժապուէնով: Սարդարը, ուսական շքանշանը տեսնելով, զայրոյթից կորցնում է իր հաւասարակշռութիւնը եւ կատաղօրէն բղաւում կաթողիկոսի վրայ. «Եթէ միւս անգամ ինձ մօտ դաս ուսական այդ շքանշաններով, իմացի՛ր ստուգապէս, որ նրանց ժապուէններով կը խեղդեմ քեզ»¹⁾ :

5.

Չնայած այն դժոխային պայմաններին, որոնց մէջ տառապում էր հայ ժողովուրդը, մանաւանդ պարսից բաժնի Հայաստանում, բայց եւ այնպէս 18-րդ դարի երկրորդ կիսում Հայաստանի անկախութեան դադափարն այնքան

ժողովրդականացած էր, որ արձագանգ է գրտնում մինչեւ իսկ հեռուոր Հնդկաստանում :

Էմին Յովսէփեանն է առաջին Հնդկահայը, որ Հայաստանի ազատութեան նշանաւոր դործիչներից մէկն է դառնում եւ Հնդկահայ առաջին քաղաքական դէմքը :

Սակայն նրա ծրագիրը — ինչպէս մինչեւ այժմ մեր տեսածները — միայն պարսկաց Հայաստանին չէր վերաբերում, այլ եւ Տաճկաց, եւ առաջի հերթին՝ Տաճկաց: Ուստի նա անձամբ շրջում է Տաճկահայաստանում եւ արծարծում ազատութեան դադափարը: Նրա քարոզութիւնը մեծ յաջողութիւն է գտնում եւ նա ունենում է բազմաթիւ համակրողներ տաճկահայերից :

Ըստ Էմինի՝ Հայաստանի ազատութիւնը հնարաւոր է ձեռք բերել միմիայն մէկ ճանապարհով — ապստամբութեան ճանապարհով, իսկ դործողութիւնների կենդրոնը պիտի լինէր Մուշի Ս. Կարապետի վանքը :

Բայց դրա հետ միասին՝ նա որդեգրում է նաեւ Օրիի ճանապարհը, այն է՝ որ եւրոպական պետութիւններից մէկն ու մէկը պիտի անցնի Հայաստանի ապստամբական շարժման գլուխը եւ դեկալարի դործը :

Նրա կարծիքով՝ միայն Ռուսաստանը կարող է լինել այդ պետութիւնը: Ուստի 1760 թուին անցնում է Պետերբուրգ եւ դիմում Ելիզաբետ Պետրովնայի կառավարութեանը :

Սակայն դժբախտաբար, ուսաց արքունիքում արդէն մոռացուած էին Պետրոս Մեծի աւանդները: Ելիզաբետա Պետրովնայի կառավարութիւնը բնաւ ցանկութիւն չուներ արեւելեան քրիստոնեաների — հետեւաբար նաեւ հայերի — հարցով զբաղուելու: Բայց եւ այնպէս Էմինին մի անգամից չմերժեցին, այլ նորից հրապարակ հանեցին իրենց հին քաղաքականութիւնը — յուսադրման ու ձգձգման քաղաքականութիւնը: Գեղեցիկ խոստումներ անելով, Էմինին ուղարկեցին Հայաստան՝ իբր թէ կրկին ու կրկին հաւաստիանալու հայ ժողովրդի տրամադրութիւններին :

Էմինն այստեղ նոր գլխի ընկաւ, որ Ռուսաստանից պիտի վազ անցնել եւ որոնել մէկ ուրիշ պետութիւն, որը համաձայնէր գործի դեկալարութիւնը ստանձնելու: Ու նա այս ան-

1) Ա. Երիցեան՝ «Կովկասի Հայք», Ա. 1894 թ., Թիֆլիս, էր. 181 :